

DBKL sita tiga perniagaan dikendalikan warga asing

Kuala Lumpur: Dewan Bandaraya Kuala Lumpur (DBKL) melakukan tiga sitaan terhadap perniagaan yang dikendalikan warga asing dalam operasi penguatkuasaan di Pasar Borong Kuala Lumpur dan sekitar Pusat Bandar Utara.

DBKL dalam kenyataan berkata, operasi Isnin lalu dilaksanakan untuk memastikan pematuhan terhadap peraturan penjajaan di ibu kota mengikut Undang-Undang Kecil Pelesenan dan Penjajaan (WPKL) 2016.

“Hasil operasi yang dijalankan, sebanyak tiga tindakan sita dikenakan ke atas penjaja tanpa lesen, di mana semua perniagaan terbabit adalah kendalian bukan warganegara.

“Semua barangan yang disita dibawa ke Setor Sitaan Jalan Lombong, Taman Miharja Cheras, di sini untuk tujuan rekod dan



Anggota penguat kuasa DBKL menyita barang perniagaan warga asing dalam operasi di Pasar Borong Kuala Lumpur dan sekitar Pusat Bandar Utara. (Gambar ihsan FB DBKL)

dokumentasi,” katanya dalam kenyataan di Facebook, malam kelmarin.

Katanya, DBKL akan meneruskan pemantauan dan tindakan penguatkuasaan secara berterusan bagi me-

astikan kawasan terbabit bebas daripada aktiviti penjajaan tanpa lesen.

“Orang ramai boleh menyalurkan maklumat menerusi adukl.dbkl.gov.my,” katanya.